

الموت | التربية الإيمانية درس ٢ | فاضل سليمان

فاضل سليمان

الحمد لله رب العالمين احمده واستعينه واستغفره. ونعوذ بالله من شرور انفسنا ومن سيئات اعمالنا. انه من يهده الله فهو المهتد. ومن يضل فلن تجد له وليا مرشدا الى ونصلي ونسلم على المبعوث رحمة للعالمين. سيدنا محمد وعلى اله وصحبه -

00:00:12

ومن تبع هدا. اما بعد طيب تلخيص سريع للي حصل المرة اللي فاتت ايه حكاية التوازن التربوي ده؟ قلنا كل فرد فينا بيتكون من اربع حاجات رئيسية. مم مين فاكر - 00:00:42

الكبد والطحال واية كمان؟ العقل والقلب والروح والجسد. عقل قلب روح جسد. وكل حاجة من دول ربنا سبحانه وتعالى بيديها ضعيفة او فاضية. وبيدينا ادوات نقويها او نملاها فالقلب ربنا بيقول هو الذي اخرجكم من بطون امهاتكم لا تعلمون شيئا. وجعل لكم

السمع والابصار والافندة - 00:01:02

لعلكم تشكرون. فخلقنا بعقول فارغة وادانا ادوات لمأ هذه العقول بالعلوم والمعارف يبقى لما انا اكتسب العلوم والمعارف دي اسمها تربية معرفية. ودي تربية للعقل. واحد مسك كتاب التفسير قرأ كتاب تفسير انت ربيت عقلك. قرئت كتاب للشيخ قرضاوي ربيت عقل

00:01:38 -

قرئت كتاب في الفيزياء بتنمي عقلك. طب والانسان لما يكسل في تربية العقل يبدأ يصاب بالجهل. والجهل يوقع الانسان في الشبهات ويوقع الانسان في البدع. ويوقع الانسان في الكفر كمان - 00:02:08

نيجي بقى للقلب ربنا سبحانه وتعالى خلقنا كل مولود يولد على الفطرة. فالقلب جاهز بالفطرة للايمان ولكن يجب شحنه بالايمان تماما مثل بطارية الموبايل. اللي بتموت منك كل يوم لازم تشحنها لمدة ساعة - 00:02:29

كذلك القلب له طريقة لشحنه يبقى تربية القلب دي اسمها التربية الإيمانية. او التربية القلبية. دي اللي سيدنا ابراهيم ما اتكسفش يطلبها من ربنا وسيدنا ابراهيم ابو الانبياء وطلب التربية الإيمانية. قال ربي ارني كيف تحيي الموتى؟ قال اولم تؤمن؟ قال بلى ولكن

00:02:49 -

ليطمئن قلبي. فكلنا قلوبنا تحتاج الى التربية. وده اللي احنا بصده في هذه الدورة تربية الايمان. التربية الإيمانية هنتعامل مع القلب طيب خليني اقول لكم حاجة بقى عشان بالنسبة للموبايلات. احنا محتاجين تمويل للفيلم الجديد في مؤسسة جسور - 00:03:14

فايه رأيكم الموبايل اللي يضرب نبيعه في مزاد وندي فلوسه لمؤسسة جسور. متفقين؟ متفقين من فضلك لا تغلق الموبايل. خلاص. نيجي بقى نتكلم في الروح. ربنا سبحانه وتعالى ادانا ونفس وما سواها. فالهمها فجورها وتقواها. قد افلح من زكاها وقد خاب من

دساها - 00:03:44

ادانا روح قابلة للفجور والانفلات. وقابلة ايضا للتزكية. والتنمية احنا دي دورة بعدها ان شاء الله بعد ما نخلص الشهرين دول هنجش شهرين تانيين تنمية روحية هنتدرب فيها على ايه؟ على الاخلاص لله وعلى التواصل الحقيقي - 00:04:16

الغير مصطنع. تكون فعلا انسان متواضع. نيجي على بعد كده التربية بتاعة الجسم التربية الحركية. يعني ايه؟ يعني انت دلوقتي واحد طلبت العلم وبقي عندك ثقافة. وقويت قلبك بالايمان. وما شاء الله - 00:04:46

دخلت التربية الروحية وماشي على عليها تمام وبقيت راجل متواضع ومخلص. لكن كسلان. لا تتحرك بهذا العلم ولا يدفعك هذا

الايمان لخدمة مجتمعك. فتبقى انسان خامل. مجتمعك لا يستفيد منك. يبقى احنا نريد - 00:05:06

نتحرك في المجتمع ايضا بالدعوة. دي التربية الحركية. انا ما عنديش دي ولا عندي الاولانية. انا عندي التربية الایمانية التربية الروحية
ناخدمهم بس الاول وبعد كده ربنا يبقى يسهلها ان شاء الله. التربية العقلية والتربية المعرفية هي بطلب العلم. تقرأ ودي ان شاء الله لها
- 00:05:26

بس عندنا من الدقيق تعرف انت تختار ازاى قراءاتك والحاجات دي. طيب بسم الله الرحمن الرحيم. نبدأ بقى بداية التربية الایمانية
صلي على رسول الله. دلوقتي عايزك تتخيل كده ان انت ماشي في الشارع لقيت راجل سكران - 00:05:46
ومدروخ ونایم في الارض نایم خالص. وعارف انه سكران ليه ؟ لان جنبه ازايز خمرة واقعة عايز تعظه. عايز توعظه. هتقول له ايه؟
مين يقول لي كده تقول له ايه؟ لأ بص حضرتك اللي حاضر الدورة دي قبل كده انا عارفه كويس - 00:06:06
صح. ما ينفعش توعظه لانه نایم. يبقى انت لازم توقظه. لازم تفوقه الاول حلو اوي. هو ده نفس الكلام. انت دلوقتي قلبك نایم. وعايز
الایمان لازم تصحبه الاول. لازم نوقظ القلوب بتاعتنا من غفلتها - 00:06:36

ثم نبدأ نسیر بها نحو الله فعايزين نحل المشكلة دي. عشان تحل المشكلة لازم تدركها. ايه هي المشكلة؟ ايه هي مشكلتي ايه هي
مشكلة مجتمعتنا؟ ايه مشكلة العالم كله هي المشكلة الازلية ضعف الایمان - 00:07:06
عندنا مشكلة ضعف ایمان عايزين نتعامل معها. يبقى لازم نتعامل مع القلب. بس القلب نایم. يبقى لازم نصحي القلب نصحيه
ونصلحه. ليه؟ عشان يبقى قلب سليم. يوم لا ينفع مال ولا بنون. الا من اتى الله بقلب سليم - 00:07:27
بس مش هينفع نصلحه الا لما نفوقه نفوقه ازاى شف يا سيدي كما ان ايقاظ النائم قبل وعظه مهم ايقاظ القلب قبل شحنه بالایمان.
مهم نوقظه ازاى بقى بالخشية لازم اخوفه. بالخوف من الله. وده دور الخوف من الله - 00:07:47
اوقد القلب بس. اول ما ايقظته في اساليب اخرى بقى تشحنه بالایمان. ربنا بيقول سبحانه وتعالى تذكروا من يخشى. ويقول تعالى
ان في ذلك لعبرة لمن يخشى وانذر به الذين يخافون. فلا بد من تخويف - 00:08:16

القلب الرسول عليه الصلاة والسلام بيقول من خاف ادلج. ومن ادلج بلغ المنزل. الا ان سلعة الله غالية. الا ان سلعة الله غالية. الا ان
سلعة الله الجنة. يعني ايه؟ من خاف ادلج الدلجة - 00:08:46
هو المشي ليلا. المسافر اللي خايف هيمشي بالليل عشان يقطع المسافة. هو مش اول ما الدنيا هيقوم قاعد مريح في الصحرا لتاني
يوم بعد اتناشر ساعة بيتدي يمشي تاني لا لا لأ بالليل هيمشي هيوول حاجة وهيمشي فمن خاف ادلج ومن - 00:09:09
ادلج بلغ المنزل. هيوصل. الا ان سلعة الله غالية. الا ان سلعة الله واللّه الجنة كل حاجة بتخشها بتمن تخش تركن بطنم ده انت بتركن
في الشارع قدام المسجد بتمن. ما حدش بيرحمك. كل حاجة لها تمن. اشمعنى الجنة اللي ببلاش - 00:09:29
الجنة بقى دي سلعة ربنا وغالية لابد من تضحية. ولكن لابد من اننا نخاف اولاً. الخوف اللي بنتكلم عنه خوف جيبي مش سلبي. لان
الخوف بتاعنا ده تخويف القلب يدفع للعمل. الخوف عادة يخلي الانسان ما يعملش - 00:09:56
خايف يعمل حادثة ما يسوقش ويقعد في البيت. خايف يا مش عارف ايه ما يروحش. فالخوف عادة سلبي. احنا الخوف بتاعنا
ايجابي يخلي الانسان يعمل. واما من جاءك يسعى وهو يخشى. هو عشان يخشى - 00:10:19
سعى الى العلم وسعى الى المعرفة وسعى الى الایمان. فالخوف اللي بنتكلم عنه خوف ايجابي. لذلک انا هتكلم النهاردة من كتاب اسمه
التوهم. التوهم بتاع واحد اسمه الامام الحارث المحاسب - 00:10:39

والتوهم يعني التخيل. بيقول لك توهم ان يعني تخيل ان فهو ايه ده حتى انا ده كنت اديت المحاضرة دي بالانجليزي في امريكا
وسميناه يعني مستشفى الخيال. ده مكان تدخل فيه تتعالج. انك تتخيل - 00:10:59
تخيل ايه بقى؟ هنتخيل نفسنا متنا فانت النهاردة كده هاخذك في رحلة كده في الموت. عشان ما يخوفكش. اخوف حضرتك لو
حاسس انك عايز تقمض عينك في اي لحظة كده وانت بتتخيل غمض. عايزاك تخاف من غمض. تخاف من الموت يعني تخاف من لقاء
ربنا يعني - 00:11:29
تخيل كده انك وانت راجع النهاردة كده عملت حادثة وجاء لك ملك الموت ايه شعورك بقى وانت شايفه قدامك كده داخل عليك

بيد ايداه يطلع من بوقك روحك هتقول له ايه ؟ استنى اديني فرصة. صح ؟ اديني مهلة. فتح عينك وخلص دلوقتي خلاص -

[00:11:55](#)

فتح هنا بقى وركز معنا. لو اداك مهلة اربعة وعشرين ساعة. تخيل كده الاربعة وعشرين ساعة دول هيبقى شكلهم ايه خلاص انت دلوقتي رجعت عملت حادثة ملك الموت قلت له ابوس ايدك اديني اربعة وعشرين ساعة. مش هيحصل لكن هو تخيل انه قال لك

[او كي - 00:12:22](#)

خد اربعة وعشرين ساعة هتعمل ايه ؟ هترجع تفتح عمرو اديب ؟ اتكلم بصراحة هترجع تتفرج على التليفزيون ؟ من الاخر يعني مع احترامنا للجميع يعني. هترجع تتفرج على التليفزيون ؟ لأ مش هيحصل. هترجع تقوم الليل على طول. بكرة طبعا صيام. شف بقى لها

[اخر مرة افطر فيها - 00:12:42](#)

يلا اعملوا لي فول وبيض. لا لا بكرة هتصوم. انت متخاف مع والدك ووالدتك. هترجع تبوس ايديهم. وهتبرهم وهتوصل الرحم المقطوعة. صح ؟ هتمسك نوتة التليفونات وتطلع نمرة عمك وخالك وخالتك والناس اللي بقى لك سنين ما سألتش - [00:13:02](#) وتعيد الحقوق الى اهلها. في حاجة انت شاكك فيها كده موجودة عندك وهي مش بتاعتك. او انت شاكك ان انا مش من حقك. هتكلم حد وهتستسمحه. او هترجعها. وهتكلم اللي اغتبتته وتقول له سامحني. انا جبت سيرتك كده - [00:13:22](#)

مرة غصب عني وانا متضايق. ايه هي الحاجات اللي انت هتعملها في الاربعة وعشرين ساعة دي ؟ دي الليلة لما ترجع تكتب كده حاجة اسمها قائمة الامنيات. الاشياء التي تتمنى ان تمهل عند - [00:13:42](#)

الموت يوم عشان تعملها. قائمة امنياتك ايه ؟ ده اول واجب علينا النهاردة طبعا المهلة هتقصد. عشان تبقوا عارفين يعني. ما فيش حد هيقدر يتعامل مع ملك الموت ويقنعه انه يأجله. المهلة - [00:14:02](#)

وهبدأ ملك الموت يجذب روحك. من قدمك. استشعر كده الالام مش الالام بس الجسدية. ده الالام نفسية قلق. انا خلاص بموت. شريط سينما هيمر قدام حياتك كلها عملت فيها ايه ؟ وهتفتكر الذنوب ارتكبتها من عشرين - [00:14:22](#)

سنة وكت ناسيها وانت بتموت بتفتكرها. اه خايف منها جسدية والالام نفسية والروح بتنزع من الجسم. وقلق لانك بتنتظر رؤية وجه ملك الموت. انت عارف ان هو دخل لكن ما شفتش وجهه لسه. ومنتظر بقى وجهه هيكون وجه جميل ولا وجه قبيح - [00:14:52](#)

يا ترى ايه بقى ايه اللي هيحصل ؟ لو بصيت في وجه ملك الموت لو كان وجهه جميل هيظهر ويقول لك ابشر يا ولي الله. برضى الله وثواب الله في لحزتها هتدرك انك قد فزت. انك قد نجوت - [00:15:22](#)

وهتتشعر بالاطمئنان. القلق هيتحول الى اطمئنان وهدوء وفرح وانت بتموت هتفرح. لا شفت وجهه ولا ملك الموت جميل وبيقول لك ابشر يا اول حاجة يعملها هيطمنك ابشر يا ولي الله برضا الله وثواب الله - [00:15:52](#)

هنبدأ او لا قدر الله يظهر لك بوجه قبيح ويقول ابدى ابشر يا عدو الله بغضب الله وعقاب الله. فتدرك انك قد هلكت انك قد خسرت ويتحول القلق الى انفعال وبأس - [00:16:16](#)

وحزن ممكن يحصل دلوقتي على لو حبينا نعرف مين اول واحد هيموت فينا مش هنلم تواريخ الميلاد منكم ونشوف اكبر واحد فينا يمكن اصغر واحد. وده الغريب في مسألة الموت. شوفوا - [00:16:46](#)

سبحانه وتعالى بيقول الذي خلق الموت والحياة ليبلوكم ايكم احسن عملا. يبلوك يعني يمتحنكم يختبركم كل اختبار له نقطة بداية ونقطة نهاية. يجي لك كده الورقة بتاعة الامتحانات يقول لك ايه امتحان مادة الرياضيات. يبدأ في الساعة الثامنة وينتهي في الساعة

[العاشرة - 00:17:08](#)

قال لك اهو نقطة البداية ونقطة النهاية. حياتنا بقى دي اختبار لكن ربنا اعلم لك نقطة النهاية الاول لانها هي الغريبة. الذي خلق الموت. نقطة النهاية والحياة نقطة البداية ليبلوكم ايكم احسن عملا. الغريب في نقطة النهاية بتاعتنا ان - [00:17:38](#)

آآ ورقة الاجابة بتتشد في اي لحزة. ما حدش عارف هيتشد امتى. فلازم باستمرار تكون عامل اللي عليك مت هيبدا الحساب في القبر. ما بين بقى موتك والمقبرة ده الواجب اللي عليك الاسبوع ده هابقي اقله لك. تعمل فيه ايه ؟ ده ورد ثاني بقى. وده - [00:18:05](#)

ده واجب الاسبوع ده بس. عشان الواجب ده مخيف شوية. وبعض الاخوات بالزات بيكسلوا يقول لك ما قدرناش نعمل الواجب. ليه اصلي خفت. خفت ايه؟ خفت اخاف. ما احنا عايزينك تخافي. ايوا. فالواجب ده هنعمله ان شاء الله الاسبوع ده بس - [00:18:35](#) بنصحي القلب بس. بعد كده عندنا واجبات تانية خالص وممتعة جدا ولزيزة جدا. المهم دخلت القبر جا لك الملكين نادوا عليك يا فلان او يا فلانة. جلست والكفن وقع كده. على جنابك والقطن اللي حاطينه في مناخيرك وفي ودانك راح واقع في حجر. وهتسأل -

[00:18:55](#)

اما ربنا هيثبتك على الاجابة يا اما هتحتار في الامر ولن تلهم الاجابة. بيقول ان العبد اذا وضع في قبره وتولى عنه اصحابه اللي راحوا دفنوه مش هيستنوا هيسيبوك. وانه ليسمع قرع نعالهم. وانت - [00:19:25](#)

انت سامع اقدامهم ماشية وسايبينك ياتيه الملكان يجي له ملكين فيقعدهان يقعد فيقولان له ما كنت تقول في هذا الرجل كنت بتقول ايه في الرجل؟ اللي احنا اللي ارسل اليك. المؤمن يقول - [00:19:55](#)

اشهد انه عبد الله ورسوله فيقال له انظر الى مقعدك من النار قد ابدلك الله به مقعدا من الجنة. فانت لو مؤمن يقال لك شايف المقعد ده في النار بص يا نهار ابيض - [00:20:15](#)

يقول لك ما تخافش اطمن ربنا ابدلك به مقعد في الجنة. فالنبي عليه الصلاة والسلام بيقول فيراهما جميعا. فتشوف ده وده ده شعور بمنتهى الفرحة. منتهى الاحساس بالفوز. ويقوموا ضاربين برجلهم جانب القبر - [00:20:39](#)

انفرج القبر عن النار وترى الحريق بتاع النار. والحريق متأجج نار متأججة ومقبلة فتتنظر الى ما صرف الله عنك فتفرح وتزداد سرورا كل ما تشوف هذا العذاب الشديد اللي ربنا نجاك منه توقن بانك قد - [00:21:01](#)

سلمت ثم يضربوا جانب القبر الاخر فينفرد اجعل الجنة بزيتها ونعيمها انهارها. ويقال لك يا عبد الله او يا امة الله الله انظري الى ما اعد الله لك. فهذا هو منزلك وهذا مصيرك - [00:21:28](#)

السرور يزداد اكثر والفرح يزداد اكثر والقلب يطمئن اكثر انك بتعاين بتشوف بنفسك مش كنت انت كنت بتسمع بس قبل كده انت شفت بنفسك نعيم الجنة وعذاب النار وعارف ان ربنا - [00:22:00](#)

نجاك من دي ودخلك دي شيه جميل. او يحصل العكس. لا قدر الله. انك تنظر الى الجنة بنعيمها ويقال لك ابدلك الله بهذه النار. هنا يحصل العكس يحصل انك توقن يعني يزداد - [00:22:17](#)

غمك وهمك يصبح لا شعور لك الا الحسرة والندم وهكذا في القبر واحد ورا الثاني الى ان يكتمل الموتى ويصبح لا يوجد احياء على الارض. خلاص كله يموت. تقوم القيامة تخلو الارض من السكان - [00:22:40](#)

كلهم لا يبقى عليها لا انسان ولا حيوان ولا حشرة ولا انس ولا جن ولا حاجة خالص حتى الملائكة هتموت كله هيموت. كله يخمد لا حركة لا حس. لا شخص يرى - [00:23:10](#)

ولا يبقى الا الجبار. ويقول لمن الملك اليوم ما فيش حتى حد يرد فيقول لله الواحد الجبار. ثم الله سبحانه وتعالى يحيي بعض الملائكة فيبدأ ينادي المنادي كل الخلائق تقوم للعرض على - [00:23:32](#)

الله يا ترى بقى وانت في القبر واقع الصوت ده بينادي ببداية يوم القيامة والعرض على الله هيبقى وقع عليك ايه؟ هتقول ايه الحمد لله مطمئنة هتبقى ولا تبقى قلقان - [00:24:03](#)

استحضر بقى الشعور. شعور القلق. تدعى انك تقف امام الله الواحد القهار لتحاسب يدعو الداعي تنشق الارض فوقك. قم اقف هتقف وتلاقي كل الدنيا واقفة جنبك. كله عريان. كله مغبر. كله مطرب - [00:24:26](#)

ما انتاش عارف تفتح عينك من التراب تبقى لك ملايين سنة تحت في التربة. تدعك بقى عينيك وتشيل التراب تشيل. وتشيل من ودانك وخبر وكله كده حواليك واقف حواليك. وبعدين نبدأ نتحرك كلنا نحو الصوت. في - [00:24:58](#)

الصوت جاي بيدعونا الكل يتحرك نحو الصوت. يومئذ يتبعون الداعي لا عوج له. وخشعت الاصوات للرحمن. فلا تسمع الا همسا. واحنا ماشيين كلنا نحو الصوت وانت مش سامع غير همس - [00:25:18](#)

حواليك ناس بتكلم بعض احنا رايعين فين؟ احنا بنعمل ايه؟ ما حدش بيجرؤ يعلي صوته احسن يتجاب وضع مخيف. والكل ماشي ذليلا منكسرا الى ارض المحشر ما حدش بيفكر بقى الا في حاجة واحدة بس. هيحصل ايه؟ هتسأل عن ايه؟ وانت ماشي كده هتشوف مين - [00:25:38](#)

بابا اللي انت بتجبه اللي واحشك من زمان. وماما اهي ومراتك وجوزك ولادك الناس اللي كانوا قرّة عينك في الدنيا كت بتأنس بهم هتشوفهم هتبقى مش طايق تبص في وشهم - [00:26:06](#)

ولا فارقين معك. وهم هيشوفوك هيتجاهلوك يوم يفر المرء من اخيه وامه وابيه وصاحبتة وبنيه لكل امرئ منهم يومئذ شأن يغنيه. كله في نفسه. انت متخيل! متخيل حجم الرعب نشوف دول بقى لك ملايين السنين ما شفتهمش وواحشينك. ولا هيفرقوا معك ولا انت هتفرق معهم - [00:26:26](#)

كل واحد في شأنه وصلنا ارض المحشر. ايه ده! امم. زحمة فزيلة. الناس كلها من لدن ادم محشورة انس وجن وحاجة محشر بجد اسمها اردل محشر ناس محشورة فيها كل عريان وحافي ومغبر - [00:27:02](#)

والكل خايف لكن اكثر ناس خايفة هم كانوا اكثر ناس امانا في الدنيا الملوك الرؤساء الناس اللي امنوا في الدنيا اكثر ناس امنوا في الدنيا اكثر ناس خايفة يوم القيامة - [00:27:27](#)

عليه الصلاة والسلام بيقول لا يجمع الله على عبد امنين ولا خوفين. خفت في الدنيا من ربنا ربنا يأمنك يوم القيامة. ما خفتش من ربنا في الدنيا تخاف بقى يوم القيامة. وهكذا. الكل مزلول الكل - [00:27:46](#)

منكسر ولكن اكثر ناس انكسارا هم اكثر ناس كسروا الناس في الدنيا. وزلوا الناس في الدنيا الشرطة اللي بتعزب وبتعمل وبتكهرب. اكثر ناس مسدودة ما بتكلمش عن رجال الشرطة الكويسين. ما بتكلمش عن رجال الشرطة اللي بيحمونا. انا بتكلم عن اللي بيتجاوز حدوده. ده صنف - [00:28:06](#)

من رحمة ربنا بالرسول عليه الصلاة والسلام اللي ما ورنوش بيتعزبوا ازاى صنفان من اهل النار لم اراهما يوم القيامة. لا لم اراهما. يعني رحمة بالنبي عليه الصلاة والسلام ربنا ما - [00:28:36](#)

بتعزبه ازاى؟ لانه مش هيتحمل يشوف. نساء كاسيات عاريات مائلات شعورهن كاسنمة والتانيين مين؟ قوم في ايديهم سياط كرابيج كاذناب البقر يضربون بها الناس ناس بتعزب في امن الدولة - [00:28:54](#)

حشر محشر كله محشور حر جدا. زحمة جدا. والحيوانات تبدأ نازلة من الجبال جاية كمان. هو فيه مكان كله الوحوش اسود بس احنا مش خايفين منها. هي نفسها نازلة مكسورة. كله نازل مكسور. الشياطين نازلة - [00:29:17](#)

مكسورة ذليلة خائفة كله. واياه بقى في في الزحمة دي موجات بتزق بعض. وتركنا بعضه يومئذ يموج في بعض موجات بتزق بعض صوت رهيب مرة واحدة في الظلام ومرة واحدة السماء بتصبح زي - [00:29:38](#)

حاسب دايب بتغلي ويقوم نازل منها اجسام كبيرة دول الملائكة. نازلين راخرين على ارض المحشر لدرجة ان العباد ما بي فهموش ايه دول. فيسألوهم افيكم ربنا ايه دول اشكال غريبة جدا. واجسام غريبة جدا - [00:30:04](#)

وحر بقى. الشمس تدنو من الرؤوس. الشمس حرارتها حرارة الشمس مجموعة لمدة الاف السنين في هذا اليوم. وقريبة من الرؤوس جدا فيبدأ الناس تغرق في عرقها. اللي عرقه واصل لغاية كعبه. اللي عرقه واصل لغاية جانبه. اللي عرقه واصل لغاية - [00:30:31](#)

شحمة ودنه ده مطلع بقه كده عشان ايه ما يشربش عرق. واللي بيلجم بالعرق يلجم يعني العرق عمال يصب في بقه طب ما فيش يعني احنا ما فيناش حطة حلوة في حطة واحدة حلوة. الواحد في الحر بيدور على حطة ايه؟ ضل - [00:30:57](#)

ما فيش حطة ظل يوم القيامة الا ظل عرش الرحمن. اعد لاصناف معينة من الناس. منهم شاب نشأ في طاعة الله عشان كده انتم عندكم فرصة مش موجودة عندنا احنا. انت لسه شاب انا كهل. انت شاب - [00:31:19](#)

ما تسيبش الفرصة دي ما تضيعش الفرصة انك تنشأ في طاعة الله عشان بنت ضحكت عليك او انت عشان ولد ضحك عليك. او ولد اداك سيجارة او واحد اداك مش عارف قرص ايه. ما تضيعش الفرصة دي انت شاب - [00:31:43](#)

انشأ في طاعة الله تلاقي الضل يوم القيامة وشايف ناس بتغرق في عرقها والشمس بتدنو منها ويقولوا يا رب ريحنا بقى ولو للنار. لان القعدة الوقفة طولت. الوقفة دي طولها قد ايه ؟ خمسين الف سنة في الحر ده لا شاربة ولا اكلة - [00:32:03](#)

ولا حاجة الناس يقولوا ياللا بقى ان شاء الله على النار ويبدأ نلاقي الانبياء داخلين. سيدنا ادم داخل وراه نوح وراه موسى وراه عيسى وراه وابراهيم ناس هتجري دول يجروا يتلموا على ده. ودول يتلموا على ده. ودول يتلموا بده. يا نبي الله اشفع لنا عند ربك. الحساب يقوم بس ان شاء الله - [00:32:27](#)

عمار بس يبدأ بقى مش قادرين نقف اكثر من كده. فيقول كل واحد فيهم ان ربي قد غضب اليوم غضبا لم يغضب قبله من سيبوني في حالي نفسي نفسي. مش هاكلهم ربنا. مش هاشفع ما اقدرش. ما اقدرش لا تتخيلوا الغضب. الله - [00:32:53](#)

اذا كان الانبياء مشفقين كده على نفسهم. خايفين كده. اومال احنا حالنا ايه؟ انت حالك ايه بقى وقتها؟ ايها العاصي ايها المتماذي. ويقبل النبي صلى الله عليه وسلم. فالناس تذهب له - [00:33:14](#)

انت خاتم المرسلين. اشفع عند ربك. فيحاول خلاص فيذهب فيسجد تحت العرش. ويثني على الله ويقول يا حنان يا من ان يا رحيم يا رحيم ويسأل الله بدء الحساب ويقبل الله شفاعة النبي صلى الله عليه وسلم. وهذه هي الشفاعة العامة للخلق كلهم. حتى الكفار ويبدأ الحساب. فالضلمة تتحول - [00:33:34](#)

الى نور واشرقت الارض بنور ربها ووضع الكتاب. يعني السجلات تنزل تتحط. كل حاجة فيها مدونة مش مكتوبة كده. لا. سجل صوت وصورة كله كله قضي فيديو وهيتعرض. واشرقت الارض بنور ربها ووضع الكتاب - [00:34:10](#)

وجيء بالنبيين والشهداء وقضي بينهم بالحق وهم لا يظلمون. يتقابل في اي بيز. النبيين والشهداء. ويجي الناس ويقضى بين الناس بالحق. امال ايه حكاية الشهداء؟ يعني ايه شهداء؟ هو شهيد يعني ايه؟ يعني شاهد. انتم عارفين الشاهد؟ بيدخل المحكمة - [00:34:36](#)

ما هو امن هو مش متهم. المتهم داخل المحكمة خايف. الشاهد شاهد. ده كلمة شهيد. فبيجي النبيين والشهداء ويحضروا ويعرض بقى الناس كلها. ويبدأ الحساب اخونا الامام النهاردة قرأ في اول ركعة يوم يجمع الله الرسل فيقول - [00:35:01](#)

ماذا اجبتم؟ ربنا يومها هيسأل الرسل. دول في اي بيز هيسألهم حصل معكم ايه في الدنيا؟ اجابوكم وقالوا ايه؟ فالرسل يقولوا لا علم لنا انك انت علام الغيوب انت يعني ايه؟ من الذهول بتاع الموقف نسيوا. ده الرسل. اللي - [00:35:31](#)

كده هينسوا من ذهول الموقف. امال انت وضعك ايه؟ انت هيبقى حالك ايه؟ فكر في ده. فكر اليوم ده ليه ليه اتبرأ منك ابوك وامك واخواتك ليه تبرأوا منك وعملوا نفسهم مش عارفينك ليه؟ عشان اليوم ده يوم - [00:36:01](#)

صعب اوي لكن لابد اننا نجهز له من النهاردة. تخيل نفسك بقى وانت واقف كده وتبدأ الصحف تتطاير الصحف بقى اللي هي الابه السجلات بتاعتك. الشهادة تتطاير وتنزل في الايديين. في اللي بتنزل في ايده - [00:36:21](#)

مبروك نجا. اللي نزل في الشمال اه خسر. ففي ناس عارفة نفسها هتحت ايديها الشمال ورا ظهرها. تقوم جاية لها من وراء ظهرها. يجي له الشهادة من ورا ظهره خلاص. اعصابك عاملة ازاي وقتها؟ وانت شايف الصحف بتتطاير وبتنزل ده في اليمين وده في الشمال وده ورا - [00:36:41](#)

اعصابك هنا هتبقى عاملة ايه وينادي على واحد واحد. يتشاف حساب واحد. طيب هيبدا ينادى على واحد واحد وهتشوف حساب الناس. هنا في الدنيا يا جماعة لما بنشوف حد بيحصل له حاجة كويسة او بياخد حاجة كويسة - [00:37:01](#)

احياناً بنشعر ايه بالغيرة او ياه طب يعني انا كنت اولي هناك العكس. اول ما واحد يطلع مؤمن وصالح ويتقال له انت من اهل الجنة. وياللا سلام يا جماعة انا رايح على الجنة. انت هتشعر بالامل. ايه الحمد لله ده فيه ناس بتروح الجنة. هتبقى فرحان - [00:37:24](#)

وكل ما عدد رحيم الجنة يكثر كل ما انت هتفرح وتشعر بالامل. وكل ما واحد هيطلع من اهل الكفر او اهل النفاق او اهل معصية ويتفضح على رؤوس الاشهاد ويبقى رايح على النار انت هتشعر بالخوف - [00:37:44](#)

لان ايه ده العملية ده فيه ناس بتروح النار. انت متخيل اعصابك عاملة ازاي وانت شايف واحد وواحد بيتحاسب تخيل نفسك بقى

وانت الملايكة مجر جراك وماشي وصحيفتك في ايدك. اليمين او الشمال. طبعاً ان شاء الله اليمين بازن الله - [00:38:03](#)

تقف امام الله يبقى احساسك ايه؟ هو بيقول لك يا عبدي يا احمد يا يا هدى هندك باسمك. على فكرة هتتنده باسمك. ليه ما فعلت كذا وكذا ليه عملت كده؟ الم ارسل اليك رسولا؟ الم انزل لك كتابا؟ هي الاية دي - [00:38:23](#)

وتقرأ عليك الاية. مش نزلت عليك. ليه ما نفزتش؟ الم انعم عليك بكذا وكذا؟ انا مش هديتك صحة انا مش اديتك مال. انا مش اديتك كذا. ليه؟ ليه ما سمعتش الكلام؟ لماذا لم تستحي - [00:38:53](#)

في مني استحي من الله. ده احنا بنستحي من بعض ده الواحد لو ماشي في العربية ومراته راكبة جنبه بيبقى ما شاء الله غاضب بصره تمام مستحي من مراته. ولو ابوه اللي جنبه - [00:39:13](#)

مستحي من ابوه عمه مستحي من عمه. الله مستحي من ابو مراتك وابوك وعمك. الا تستحي من الله عامل ربنا بالحياء ده ربنا بيبستحي انه العبد من العاصي يرفع يديه ويدعو الله فيردهما صفرا - [00:39:33](#)

ربنا يا اخي بيبستحي يرد ايدينا فاضية. انت ما تستحيش من الله. ويقول ما الذي غرك بي ايه اللي غرك بي؟ اسمع هنمشي على الصراط. ضلعة يوم ترى المؤمنين والمؤمنات يسعى نورهم بين ايديهم يعني قدامهم. نور منور لهم - [00:39:55](#)

قدامهم وبايمانهم في ايديهم اليمين معهم حاجة بينوروا بها. استلموها بتنور ها؟ بشرى اليوم جنات. تجري من تحتها الانهار خالدين فيها. ذلك هو الفوز العظيم يا رب نبقي من دول يا رب نمشي كده وتنور لنا نور ماشي قدامنا نور عمال ينور وكمنا مدينة نور زيادة عشان نيجي بيمين وشمال ونتفرج بقى ويا - [00:40:28](#)

وبنبشر بالجنات. بشراكم اليوم جنات. يعني ملايكة على الصفيين بيقلولوا لك. مبروك مبروك الجنة. جنة هتروح انت رايحها دلوقتي شف الفرحة اللي انت فيها ماشي وراك مين بقى؟ المنافقين ما عندهم نور - [00:40:58](#)

انت وانت مسافر على الطريق الصحراوي بالليل. مضل والنور بتاع عربيتك اتحرق. بتقطر عربية منورة نور عالي وتفضل تجري وراها ماشي وراها عشان تمشي في النور بتاعها يوم يقول المنافقون والمنافقات للذين امنوا انظرونا يعني انتظرونا نقتبس -

[00:41:18](#)

من نوركم هنمشي معكم في النور بتاعكم. قيل ارجعوا ورائكم فالتمسوا نورا. هيتقال لهم ارجع ورا وخد نور من هنا هناك فهيدوروا فحرب بينهم بسور له باب. اول ما هيتدوروا يرجعوا يلاقوا سور راح نازل بينهم وبين بعض - [00:41:45](#)

باطنه فيه الرحمة من ناحية المؤمنين. وظاهره من قبله العذاب احنا مش كنا معكم ينادونهم الم نكن معكم قالوا بلى لا احنا كنا مع بعض مش بس هنا على الصراط احنا كنا مع بعض في الدنيا. قالوا بلى - [00:42:06](#)

ولكنكم فتنتم انفسكم. انتم عملتم كده في نفسكم. فتنتموا نفسكم في الدنيا. وتربصتم وارتبطتم وغرتمكم الاماني حتى جاء امر الله وغركم بالله الغرور يعني فضلت تعمل كده في نفسك. خلي بالك الشيطان جه دوره في الاخر. الشيطان ان كيد الشيطان كان ضعيفا. الشيطان ده ضعيف جدا - [00:42:26](#)

بس انت بتفضل تضعف مناعتك لغاية ما يقدر هو عليك تفتن نفسك فتننت نفسك. اتقال لك الحاجات دي غلط عملتها. الاماكن دي لأ رحتها. ما اتقال لك بلاش وتربصتم بالمؤمنين فضلتهم تتريقوا عليهم فضلتهم تنتزروهم عشان تهبدلوهم وتضربوهم تعملوهم -

[00:42:56](#)

وارتبطتم الله انا هتعاقب على الارتياح! ده الارتياح ده عمل قلبي وربنا هيحاسبني على عمل قلبي ده ارتياح طب لو واحد ارتاب في زوجته وهي عرفت مش من حقها تزعل منه - [00:43:23](#)

تزعل منه ليه؟ هو ضربها قلمين ده ارتاب بس لأ بين المحبين ما فيش ارتياح ترتاب في مين في ربنا؟ ترتاب في مين في الرسول عليه الصلاة والسلام؟ اياك ترتاب في الرسول عليه الصلاة والسلام. عندك سؤال فورا - [00:43:44](#)

تيجي تسأل ما تسيبش نفسك للشيطان ابدأ. وغرتمكم الاماني الكذب. الاماني. فاكر نفسك هتعيش كثير. يقول لك ابويا مات عنده ستين سنة وانا لسة عندي اربعين سنة. لسة قدامي عشرين سنة. هيص هيص يا عم مش هتموت دلوقتي. هو كده. طول الامل. فاكر

لسه هتعيش حتى جاء امر الله وغركم بالله الغرور. فالיום لا يؤخذ منكم فدية ولا من الذين كفروا مأواكم النار هي مولاكم وبئس المصير. حاجة خطيرة هتتسأل يوم القيامة عمرك - 00:44:22

افلتوا في ايه؟ عشت كم سنة؟ ثلاثين اربعين عملت فيهم ايه؟ هتقول ايه؟ تفكر كده؟ يلا احنا يوم القيامة اهو شايف ده خالد بن الوليد واهو عمرو بن العاص. واهو الامام النووي. وكل واحد فيهم عمل حاجات فزيعة - 00:44:42

ده فتح مصر وده يعني سيف الله المسلول وده كتب كتب عملت انت ايه بقى؟ يلا جاوب ما تقول كنت بعمل ايه؟ كنت بصلي خمس مرات في اليوم ده عشان نفسك. عملت ايه؟ لدينك. سبت دي في الدنيا - 00:45:02

ركز بقى ركز مش انت هتتسأل عن عمرك فيما افنيته في ايه ان شاء الله؟ قدام التلفزيون على الفيسبوك هتقول ايه لربنا؟ ركز في الوقت. ركز في الزمن. ما لك؟ من اين اكتسبته؟ جيته منين؟ من اين لك هذا - 00:45:22

جسمك فيما ابليته. استهلكت طاقتك وجسمك وقوتك في ايه؟ في زلم الناس في الحرام ام في مساعدة الناس ام في الحلال وقتك فيما ضيعته لسائك لما نطقت به فيه كذا وكذا ليه قلت الكلام القزر ده؟ اصل يا ربي كان خلاص يعني كل اللي بيقوله لا النار مش زحمة يعني - 00:45:42

تساعد كل ما فيش حاجة اسمها الكل كان بيقول يا رب. انت ما سمعتش حديث الرسول عليه الصلاة والسلام. اللي بيقول لا يكن احدكم ان مع اذا احسن الناس احسن واذا اساءوا اساء يعني ما حدش يبقى طرطور. الناس تحسن نحسن. الناس تسيء نسيء - 00:46:12

لأ الناس هتتحسن هتتحسن والناس هتسيء هتسيء. ليه؟ عشان احنا مش امعة. المسلم له شخصية. ما بنمشاش ما بنمشيش احنا مش بلدين. احنا لنا شخصية لن ننساق دي مسألة مهمة جدا عشان الفساد عمال يكثر واحنا ابتدينا ننسى نفسنا. عينك - 00:46:32

ليه ما نظرت بها الى كذا وكذا؟ اذنك لما سمعت بها كذا وكذا. ابوك موجود وامك موجودة وزوجك موجود وجارك موجود وولادك موجودين. وبتتسأل الكلام ده قدامهم. وبتعرض الاعمال قدام - 00:46:59

الغم اما يغفر لك فلا تعرض. وربنا يستر عليك واما الفضيحة على رؤوس الاشهاد. فيلم بيتعرض قدام الناس. انت بتعمل كده ده فيه حاجات صغيرة قوي الواحد لو عملها. وبعدين اكتشف ان الناس شايفاه بيبقى حاسس انه مكسوف. حاجات ايه يعني مش حرام - 00:47:19

يعني تحط ايدك في مناخيرك مسلا. شف خد بالك الناس شايفاك مكسوف جدا. ايه اللي حصل ده! امال بقى اللي بالي بالك. اللي بالي بالك. كل واحد عارف اللي باني باله بتاعه. عملت ايه لوحده؟ ده بقى لما يتعرض - 00:47:49

قدام الناس هتعمل ايه؟ اه. ربنا ممكن يقول لك يا عبدي انا سترتها عليك في الدنيا واغفرها لك اليوم. يا رب يا رب. لولا يا جماعة ان ما فيش موت في هذا - 00:48:09

هذا اليوم كت مت من الفرح. يعني لما ربنا يقول لك ويخبرك ان انت آآ طب يا جماعة الشباب يطلعوا وشوية عشان تفضى اماكن لاخوانهم في الخلف. تفسحوا في المجالس. يلا تقاربوا تقاربوا - 00:48:29

شوفوا يا جماعة المكان ده واخذ عدد قد ايه؟ سبحان الله! لان الناس بتحب بعض فبنستحمل بعض. الدنيا على وسعها لا تسع متباغضين وسموا الخياط للمتحابين ميدان الدنيا دي كلها ضيقة على اثنين بيكرهوا بعض. لكن خرم الابرة زي ما يكون ميدان للناس اللي بتحب بعض - 00:48:49

المكان ده فيه بركة. ده بيت ربنا. فشوف انت قاعد وده كوعه في جنبك. وده ركبتك في شهرك ومستريح ومش عايز تتوب. تروح السينما عشان ما فيش بركة. قاعد كده على كرسي فخم اوي وبتاع ولونه احمر وكده - 00:49:26

وبس اللي جنبك يطلع ايده على الايد اللي بينكم الاول. تبقى تفرك وبتنفخ ومتضايق ومش طايق نفسك. ليه؟ عشان المكان ما فيش فيه بركة. فالقضية قضية بركة ربنا طيب ان شاء الله بقى نقطة كتابنا بايه؟ بايماننا. يا رب - 00:49:44

يحصل ايه بقى؟ اسمع فاما من اوتي كتابه بيمينه. فيقول هاء مقروءك اني ظننت اني ملاق حسابي. يعني ايه؟ يعني كنت فاكِر نفسي هتَاحسب وما تحاسبش! لأ ما تحاسبش. لان فيه ثلاث سجلات لكل واحد زي ما قلنا. سجل الحسنات. سجل السيئات. ودول -

[00:50:12](#)

الدور عليهم. حسنة بعشرة الى سبعة ضعف. والله يضاعف لمن يشاء. والحسنة في مكة بميت الف. والسيئة بسيئة واحدة واتبع السيئة الحسنة تمحها. المشكلة في السجل الثالث. لو اتحاسبت عليه رحنا في داهية. اللي هو سجل - [00:50:42](#)

النعم لزلك هو بيقول هاؤم اقرؤوا كتابي اني ظننت اني ملاق حسابي كنت فاكِر نفسي هتَاحسب. فهو في عيشة راضية. في جنة عالية قطوفها دانية. كلوا واشربوا. هنيئا بما اسلفتم في الايام - [00:51:02](#)

ايامي الخالية. الخالية من الاكل والشرب. الايام اللي كنتم بتصوموا فيها. يا اما بقى الفضيحة قدام الاب والام والزوجة والجيران والاولاد ويشوفوك في فيلم سينما وانت بتعصي. والملائكة تناديك والشهداء والانبياء الفي اي بيز اللي قاعدين ينادوك ويقولوا يا

كزاب لعنة الله على الظالمين - [00:51:32](#)

اسمع سورة هود ومن اظلم ممن افترى على الله كذبا اولئك يعرضون على ربهم ويقول الاشهاد انبياء والشهداء والملائكة اللي بيشهدوا للمحاكمة ها؟ هؤلاء الذين كذبوا على ربهم الا لعنة الله على الظالمين! انت متخيل! سيدنا محمد يلعنك يوم القيامة! انت

متخيل! الشهداء - [00:52:02](#)

يلعنوك يوم القيامة يقولوا عليك كزاب منافق ساعتها مشاعر الحسرة تقطعك ندم فزيع وانت بتتاخذ من قفاك وتخرج قدام الناس والصحيفة في شمالك. واما من اوتي كتابه بشماله فيقول يا ليتني لمغوتك - [00:52:37](#)

كتابي حسرة ولم ادري ما حسابي. يا ليتها كانت القاضية. يا ريتها كانت موة وما فيش بعدها ما اغنى عني ماليا. حساباتك دي كلها ولا حاجة. هلك عني قانية ربنا يقول لك انا - [00:53:03](#)

غضبان عليك. عليك لعنتي. لن اغفر لك عظيم ما اتيت. الاشياء الفظيعة اللي انت عملتها لن يغفرها لك ولن اتقبل منك ما عملت. خذوه فغلوه ثم الجحيم صلوه. ثم في سلسلة - [00:53:36](#)

زرعها سبعون ذراعا فاسلكوه. تدخل من دبرك تطلع من بقبك. تبقى كده زي الخروف متعلق تتشوي في النار. ليه؟ لانه كان لا يؤمن بالله العظيم. ولا يحض على عامل مسكين مش لا يطعم المسكين. لا يحض. يعني ما بيحضش الاخرين. يعني العمل الجماعي مهم. يبقى

التطوع - [00:53:56](#)

ومهم يبقى الحث حث الاخرين على الاطعام مهم. فليس له اليوم ها هنا حميم ولا طعام الا من غسلين. لا يأكله الا الخاطئون اكل مش نضيف شوك بينزل يقطع مغلي يقطع حاجة صعبة. ربنا يعافينا يبقى - [00:54:26](#)

لاخرتنا قبل فوات الاوان. او ان نستحي من الله الان. دايم كده احد الصالحين كان دايم كل شوية يطلع ورقة من جيبه يبص فيها ويدخلها تاني. طلع ورقة يبص فيها ويدخلها تاني. بعد ما مات طلوعوا الورقة دي لقوا مكتوب فيها - [00:54:56](#)

الله معي. الله شاهدي. الله ناظر الي. كل ما يوسوس له الشيطان شوية يطلع يقرأ الله معي. الله شاهدي. الله ناظر الي. الواجب بتاعنا الاسبوع ده هتكتب قائمة الامنيات لما ترجع النهاردة. وتحتفز بها هحتاجها في وسط - [00:55:16](#)

الدورة بتاعتنا. لو انت وانت مروح جالك ملك الموت. واستسمحته في اربعة وعشرين ساعة. واداك اربعة وعشرين اكتب ايه هي الاشياء اللي تتمنى انك تعملها قبل ما تموت. ثانيا ورد اسمه ورد - [00:55:46](#)

الموت هنعمله من هنا لغاية الاسبوع الجاي ثلاث مرات مسلا على الاقل. يوم او يوم لأ كده انك هتدخل في اوضة فاضية. هتقول لي ما فيش اوضة فاضية والدنيا دوشة عندنا. بالليل انت جوة سريرك تخيل نفسك - [00:56:06](#)

بتموت. مت خلاص. متخيل وهم جايين يصحوك الصبح وانت ما بتصحاش وابتدوا يهزوك بانفعال. وابتدوا يصرخوا وابتدوا بسرعة يتكلموا دكتور. والدكتور جه عمل لك عينك جس النبض وقال لهم البقاء لله. وهم بقى بيبكوا عليك ويبغطوك وبيبرسوك. وجابوا لك -

[00:56:26](#)

يغسلك. قلب نفسك كده وانت متخيل نفسك بتتغسل. وبعد كده تتخيل نفسك بتتكفي وبعد كده تخيل نفسك بتتحط في صندوق. والصندوق بيتشال وانت عمال تترجرج وتتخطب جوة. وبعدين بينزلوك عليك من غير لا ركوع ولا سجود صلاة باربع تكبيرات. ورحوا شايلينك تاني وحطوك في العربية بتاعة نقل الموتى - [00:56:56](#)

وجريوا عليك على المقبرة واخشالوك ومن الصندوق ونزلوا بك في القبر وراحوا قافلين عليك. دي الحطة اللي احنا ما اتكلمناش فيها النهاردة اللي هي من الموت غاية القبر بس تخيلها خلال الاسبوع ده ثلاث مرات. هتاخذ منك ربع ساعة كده كل يوم. وانت بتستشعرها - [00:57:26](#)

الاخوات ارجوكم اعملوها. بنيجي نراجع الواجب مع الناس يبقى اخواتي يقول لك ايه بصراحة ما قدرتش ليه خفت؟ ايوه ما انا عارف انك خفت. ما عنديش انك تخاف بس والله ما هنعيد الواجب ده طول الدورة تاني. بس المرة دي لازم نوقظ القلب - [00:57:46](#) لازم نصحي القلوب يا جماعة. يا ريت نزور القبور مرة واحدة خلال الاسبوع. ده واجب. يا ريت ايه؟ انا اسف. مش يا ريت هنزور القبور. اطلع على قبور مدينة نصر. قبور مصر الجديدة. وخش وزور قبر. التحدي ما تعرفوش - [00:58:06](#) نقول السلام عليكم دار قوم مؤمنين. انتم السابقون ونحن بكم ان شاء الله لاحقون. ها بايه؟ انتم في دار الحق دلوقتي. وشايفين الحق. انا لسة في الدنيا تنصحوني اعمل ايه؟ تخيل هيقولوا لك ايه؟ كم الايه من اللي انت بتعمله وبطل ايه من اللي انت بتعمله وزود ايه على اللي انت - [00:58:26](#)

راجع نفسك وراجع اعمالك وانت في القبور. مرة بس طول الاسبوع ده اكتب وصيتك. هتروح بقى تنزل لي الوصية الشرعية من على البتاع وان ما تعملوش وتصوتوا علي. انا مش ده اللي اقصده. عندك قرشين اكتب - [00:58:56](#)

كده عايز يتقسموا ازاى؟ هتقول لي طبعاً التقسيم حسب الشرع انا عارف. بس انت لك الحق التلت تطلعه هفتكر التلت لله ولا ولا خمسة في المية كفاية ولا نسيب الباقي للعيال برضو عشان لسة متمسك بالدنيا دا انت بتموت. فكر هتقدر - [00:59:16](#) هتطلع ايه؟ انت محتاج تدي فلوسك. انت محتاج تطلعها على روحك. فكر هتعمل ايه؟ اصل الدنيا المال هو علامة الدنيا وبعدين هنبدأ بقى ورد ماشي معنا على طول بعد كده. قبل ما نصلي كده - [00:59:46](#)

هنعمل حاجة اسمها ورد اللاحاح. قبل ما نصلي بعد ما نصلي هنلج على الله ان يصلح قلوبنا اللهم اصلح قلبي. اللهم اعطني القلب السليم. تفضل تلح تلح على الله انه يصلح قلبك. وانه يجعل عندك قلب سليم. كتاب التوازن التربوي اللي ما قرأهوش يا جماعة يقرأ - [01:00:06](#)

او يكمل الكتاب الصغير مش كبير. لكن كتاب مهم جدا انك بتفهم نفسك. ده الكتالوج اللي بتفهم به الاجهزة بتاعتك المختلفة دي الاربعة ازاى بيتتم تنميتك؟ الكتاب ده رائع جدا وكويس واحسبه على خير. وفيديو بتاع المرة اللي - [01:00:36](#) فانت اللي ما اتفرجش عليه يتفرج عليه. واللي اتفرج على الفيديو بتاع النهاردة ده يعني لما ينزل بكرة ولا بعده اتفرجوا عليه تاني. واستشعروا الكلام دوت من هنا ورايح الدورة دي بتركز على ان كل حاجة هنعملها كل حاجة من هنا ورايح بتدبر وبفهم. خلاص ما فيش طلبة. خلاص - [01:00:56](#)

جزاكم الله خيرا وبارك الله فيكم. الدورة دي على فكرة ما فيش فيها اسئلة. انتم انتم نفسكم مش راضيين تسألوا صح؟ كل واحد اي مخ في وشه يروح. حاجة يعني ولا - [01:01:16](#)

واحد ترامادول بس هي الدورة دي كده. دي مش دورة فقهية ولا احنا هنسأل فيها اسئلة - [01:01:26](#)